

TA MANHIDATAH LABIT

Lets Eat Rabbits

by

Gloria Baguingan  
Peter Benmaho  
Rosalia Benmaho  
Tomas Charchar  
Patricia Gamonnac

Illustrations by:

Arcadio Manfalang  
Hilda Gotia

Summer Institute of Linguistics  
Philippines, Inc.

Translators 1973 Publishers

Published  
in cooperation with  
Bureau of Public Schools  
and  
Institute of National Language  
of the  
Department of Education  
Manila, Philippines

1073-230

Printed in the Philippines

## FOREWORD

Some of the glory of the Philippines lies in the beautiful variety of people and languages within its coasts. It is to the great credit of the national leadership over the years that no attempt has been made to destroy this national heritage. The goal has been instead to preserve its integrity and dignity while building on this strong foundation a lasting super-structure of national language and culture.

The present book is one of many designed for this purpose. It recognizes the pedagogical importance of dividing literacy and second-language learning into two steps--literacy being the first. When a student has learned to read the language he understands best, the resulting satisfaction in his accomplishment gives the drive and confidence he needs to learn the national language. His ability to read, furthermore, is the indispensable tool for the study this program will require.

The Department of Education of the Philippines is proud to present this latest volume in a nationwide series designed to teach the national language through literacy in the vernaculars. It will strengthen both the parts of the nation and the whole.

Juan L. Manuel  
Secretary

## F O R E W O R D

One of the noble aims of Education is to equip every citizen to participate meaningfully in his society and to share in shaping the destiny of his country. Providing literacy instruction in each man's vernacular is a basic step in realizing this goal. To promote this purpose the Summer Institute of Linguistics works in agreement with and under the auspices of the Department of Education in the preparation of instructional and supplementary reading materials for the various Cultural Minorities of our country.

The Bureau of Public Schools takes pleasure, therefore, in presenting this volume of literacy material which is part of its list of approved supplementary reading materials prepared for use by the Public School in the areas using the vernacular of these materials.

Liceria Briliantes Soriano  
Director of Public Schools

## P R E F A C E

This booklet is one in a series prepared by participants in a writer's workshop held at Bagabag, Nueva Vizcaya, in September and October of 1973, in cooperation with the Summer Institute of Linguistics.

This booklet serves a dual purpose: that of providing literacy materials so that people might achieve skills in literacy in their own dialect which will help them to achieve the same skills in a second language. The second purpose is that of introducing the raising of rabbits as both economical and dietary aids for the community.

Yatoda hen Wada hen Antoy Libnu

Hen Ka-ammay hen Labit ah Talaken . . . . .	1
Tomas Charchar	
Nokayda hen Mabilin way Anén hen Labit . . . . .	5
Gloria Baguingan	
Henon Ammaan Ta Gumana hen Labit? . . . . .	13
Rosalia Benmaho	
Baléy hen Labit . . . . .	20
Peter Benmaho	
Mampoottakos Labit . . . . .	26
Patricia Gamonnac	
Pilipino . . . . .	32
Helen Madrid	

Hen Ka-ammay hen Labit ah Talaken

Nauy hen laydê way ibaga koma an ditao way mepo-on hen labit ah talaken mo mabalin. Aminay babley, dual di talakendah labit. Masda-awâ mo heno hen paya té-éy heto paat bableytao di maid paat éhah mantalaken ah labit. Mo da ham-éham-én, hiya ménat tay kamanda utot. Gapo ta yato hen wadah hamhamâtao, datao ananén, heno ngén hen da mamangan an naha. Mo mamenghan abé, datao ananén, ay wada paat di maetolong nahan hea? Hiya kay mo anmag am-ammayu ya anggay hen mangal-an hena.

Anmag dual hen innilâ way aditao manlaydan gapo ah maid inilatao hen ka-ammayna, hen iddatna hen adaltao, ya hen etolongna hen kenatatagutao. Wat ad uwan, pangpangnga-asetao ta dangléntao hen nauy way ibagâ mepo-on hen nauy way datao haphapetén. Hen kaissan hen labit, naim-inas no manò, kaskasen

mo iyam-amma way manginluto. Anakettoy amin hen tongalna ya yameh ah hetaen, adi kaman hen diday tapenay talaken. Dual hen lamanna ya maid abe dual hen tabana wat edita ag-aggah mahnge.

Manhibiddata abe ah kalni annato way talaken, tay hen yato way talaken, mangempat umana hen ehay tawen. Mo mamenghan, magenen duwanpolo ya lema wenna tolonpolo hen ana hen ehay labit hen makatawen.

Hen eha abe, dudual hen iddat hen kalnin hen labit hen adaltao way bitamin mo hen, henoha way kalni.


Ad anad, enaleen mangenpat umana hen labit hen ehay tawen ya hen anana magenen wada hen duwanpolo ya lema wenna tolonpolo hen ehay tawen, wat mo waday kamanah labittao ta umanada amindi, mabalin way wada abe hen mabalin way elatdao ya

issatao. Hen kalakaan way laon hen ehay labit ad Bagabag, duwan polo. Yato hen laona mo hen di da-an pay laeng humién ngém mo hen diday danakkal, wada hen énémpolo. Mo hen diday nabubugi hen lomáwan, wada hen nasolok ah hinggasot.

Mo inilatao abé hen mausalan hen di ugletna ta ammaantao hen nanbag wénno hòlong ta iyéy tao ad Baguio way menlao, mabalin way láwandah tolonpolo wénno dùdual pay, insigun hen ekamantao.

Yato koma hen ham-éham-éntao mo mabalin wat hen labit, mabalin way umal-an ah manpo-onan, kalkalo hen diday nalaeng way mankomélso.

Hen dida abé way pada way maid mabalinna, yato abé hen ehay minlumidyuwan ah kataguwán.



Nokayda hen Mabilin way Anén hen Labit.

Naligligat hen papa ah tal-onan no ah labit. Hen papa anéna yanggay hen isna ya appò. Adi kaman an labit way dualay kalasen di ma-an hen anéna. Hen kaligatna yanggay an labit, hen an idawdaw amin hen anéna. Adi umat an papa way penangan ay hiya hen bigbigat ya madhém, egad hiya way man-anap ah tapen di anéna no ag-agaw. Hen iha pay nga nalaklaka ah labit ah tal-onan no ah papa, éggah yag dummanakkal hen labit ya no issa napédped hen lamanna, adi kaman hen papa way mahédanta, yag no paltiyen, dúdual hen tongalna no hen lamanna.

Dual hen mabilin way anén labit. Nokay danaddi?

1. Anénda hen ugah ya appò ya mo-eng, ya nagmú way ba-aw, ya hapog ya kayakay. No waday

manganan di ungunah ba-aw editaaw da etapal hen butalana ta iddattaaw an labit te ayyu.

2. Mabilin way anénda agé hen nanbinebineb-én way hamdá anda doloh ya umat hen tubun di away. Nokay way kalasen di hamdá hen anénda? Mabilin way anénda hen tipulyu, ya latong sayote, ya kangkong ya langah. Mabilin agé way anénda hen loto ya uppá hen nal-um way tapaya. Anénda agé hen doloh kaman hen sakate ya hapon. Umat hen tubun hen away wat anénda kaman hen tubun ipel-ipel ya tubun hen balat. No tempon hen ahebtá, buntáta hen dagami ta anén hen labit te ulay dagami wat laydenda. Umat agé hen uppá ba-aw wat malyadda way mangan.

Wada hen impoltante way ham-éntaaw no hamdá ya doloh ya tubun di away hen epangantaaw. No nalugit hen mangal-anta-aw, masapol nga mibilag

unnah ihay ag-agaw, yag anta-awat addén ta matéy hen bootna. Te no adi mibilag unna yag indattaaw, manbéyahda gapo ah daan natéy hen bootna. Ngén, no nadalos hen nangal-anta-aw adi masapol ibilag. Alan yag indat, adi bali ngém nadalos hen nalpowana.

3. Wada agé hen anén hen labit way maláwan ah tenda-an. Hen ngadanda wat, "hog mash," way anén babuy way maláwan ah tenda-an, "chicken mash," way anén hen manó way maláwan ah tenda-an, ya "pellets" way yato hen pala an labit dillu. No waday láwantaaw ah ihá-an an danatto, élégnadi.

No waday kabalinana, iddattaaw amin danattoy kalasendi ma-an, kaman hen appò, ughah, anénda way an maláwan, ya hamdá ono doloh. Te no antaaw mag epapahig hen ihay kalase kaman hen hamdá ono pellets ono appò yanggay, adida dumakal ya

mau-ulatda. Waman no kalakalase hen anénda,  
tomatabbada ya éggehen émmanáda. Padongna hen  
tatagu, no ammag pahig isna yanggay ya ahin hen  
wada ta miid issanah hamdá anda maid paat kalneh  
issanah mamenghan, komapsot, ya napose hen  
ataguwana. Hen anong hen maláwan way anén hen  
labit, yadi hen kalni an ditaaw way tatagu, ya  
hen anong hen isna anditaaw yadi hen ugah ya  
appò hen labit. Hen hamdá an ditaaw yadi hen  
hamdá ya doloh andida agé.

Hen tatagu masapolna hen ahin, umat agé hen  
labit wat masapolna. Abéb-én no masapolda hen  
ahin te ongetanda hen baléyda wat no ilanyu way  
dadan onget hen baléyda, addanyu didah ahin.

Hen labit kamanda hen luwang way da manesem.  
Masapol way matatalwan hen iinumanda ah dinum ta  
waday dada uminuman no máwawda. Ilenyu no nokay

hen ammay ah iinumman hen labit. Hen haham-ényu no omamma-ayu, masapol nga déghén ta adi miwahet hen dinum ya nalaka koma ah ulahan ya adi koma lomate agé. Ammay ménat hen galpon no hiluwanyu ah galong anyuwat etaéd hen hüyuna. Talwan hen iinumanda ah dinum hen bigbigat ya madhém. Ilan ta nadalos way dinum ya masapol nga enag-agaw way madadalewanan hen iinumanda. Dinumingu agé nga lag-anan hen iinumanda ta adi mabagiwan.

Ulay ta mahahallimunan hen labit wada dillu hen masaketanda. No masaketda, masapolda hen agah ta maka-an, kaman anditaaw agé way no masakettaaw, masapoltaaw hen agah. Nokay danaddi hen saket labit?

1. Gidgid. No waday innilayuh naggidgid ah aho ya babuy, kaman ahdi hen Gidgid agé hen labit. Lomaotah agah di gulid hen tatagu ah ospetal ono

an Juami yag enpalid hen andi Giggidna. Mamenghan hen ihay ag-agaw ingganah mapelatan.

2. Pahal hen soso. Kémnég hen pongal hen soson hen émmaná way labit no mappehal. Mab-énto no labtenén hiya yag penehpehno hen pongal sosona. No mappehal hen sosona, sigab hen manpasosowana wat adina epasoso hen anána ya awnig pédténa agé dida. Addan hiya ah "Terramycin" ono kaman hidi ta maka-an. Mabilin agé iyagah hen agah di tatagu. Saludsuduntaaw an Doktola (Raymundo) ono an Juami no waday padong di "Terramycin way agah. Saludsudun agé no kamana hen addan. Solotom hen nesosolat antoy baléyna no kamanay koddala hen addan.

3. Béyah. Manbéyahda hen labit no nalugit hen nangal-anta-aw hen daloh anda hamdá ya no iggay mibilag yag enpangantaaw. Manbéyahda agé

no nalugit hen dinum way dada inumun ya no  
nalugit hen atotongda. No manbéyahda addam ah  
agah way "Aureomycin" ono agah way kaman heto.  
Yag tena-angno hen tap'na annowat ituldun ad  
dél-ém yag penasolotam ah hen koddalah dinum. No  
maidto way agah, manbaga-ayu an Doktola Raymundo  
ono an Juami ah agah di béyah di tatagu. Mabilin  
ano way usalénto agé.

4. Saket hen agtéy. No manpalteayu ah labit  
masapol nga ilanyu hen agtéyna. No naletdaletdá  
hen agtéynah pokkawan, wada hen saketda. Dan  
en-ennalesto way saket wat addanyu hen andiday  
tapena ah agah ta adina igam-améd. Ngén adi  
mabilin addan hen nabugi way labit. No  
omandan hen jatoy saketda maid ganasda way mangan  
wat masapolda hen agah ta maka-en. Hen anteday  
nanlalabit anto ni Bagabag kaman an Mr. Case,  
dana addan didah "Sulabet," ulay no maid saketda  
ta adida ano ginóento way saket.

Danatto hen kalakalasen hen saket labit.  
Mabilin ménat way wada hen tapen danattoy agah  
ah ospetal ad Gawa ono an Juami ad Betà. No maid  
manpa-alateaw hen da éméy ad Bagabag ta lomaoda  
ahdih "Agricultural Farm Supply" ad Bagabag.  
Wada amin danattoy kalasen di agah annadi way  
téndá-an. Ulay hen andi an maláwan way anén  
di labit wat wada amin ahdi.

## Henon Ammaan Ta Gumaná hen Labit?

Wada hen hin-eh-eh-a way da nantalaken ah labit ahtod Balangao ngém ammag maid gummaná. O a te ekatda ménatén ammag kaman hen tapen di animal way ammag alan ya ulayda way manlalammong. Adida ammu way wada peet hen taktekan hen mantalaken ah labit. Didato hen masapol matatanda-anan.

Adi masapol hen dual way lae te élúgna hen ihay lae wat bugiyéna hen duwan polo way bae. Matenéénén hen bae ya lae no waday toloy bulanda. Ténén andiday bae ya ten-én agé andiday lae, ulay malalammongda hen pahig bae ya nalalammongda agé hen pahig lae. No énémay bulanda, élégdadi way manpahlong. Eycy hen bae hen iggaw hen lae hen bigbigat. Masapol nga babantayan ta no namagwada ono mametloda ay nanholong ya kena-an andi bae ta ibangad ah baléyna. Masapol agé elesta hen petdan hen andi nanholonganda ta matatanda-anan di

ag-agaw way omana-ana. Te no malpas hen tolon polo ono telon polo ya duway ag-agaw wat omanâ. Abéb-én no nabugi hen andi bae te wada hen ma-aploh ah potona way kaman bub-ula way anakettoy. Tapno ammuwan way siguladu way nabugi hen andi labit malpas ay di éhay duminggu manepod hen nanholonganda, alan ya ényéy hen iggaw hen lae. Wat no nabugi tottowa wat mangngecek way yadi hen kelana way hen laydénay alyén, adina laydén way mahlong. No yadi hen ammaana wat nabugi tot-owa. Esasaggana hen kason way omana-ana ta no undah hen andi ma-aduwan polo ya pitu way ag-agaw yag empaghép hen andi kason ah baléy hen bae. Masapol ilan ta dakal dillu hen andi kason ta élégna ah maleohana. No omanâ, alwadan hen kosa te ilam emanat kaman utot hen andi anâ hen labitat awni ya issana. Alwadan agé hen utot te mépatéy hen labit. Manowat te mangabâ hen labit ngém matéy dillu. Ulay agé hen aho wat alwadan amin danabha.

Ulay agé hen aggagaihang wat pédténa hen andi  
anat niyaná way labit.

No da agé manpasoso hen labit ya mappahal hen  
sosona, masapol ilan te pédténa angkay hen anána  
gapo ta sigab hen sosona. No yadi, ma-agahan koma  
hen andi sosona way dagos ta waday sosowén andiday  
anána.

Pédténa agé hen tapen di anána nõ nalabus  
hen kadualda te ammay no waday lawa éném ono lema  
ah anána. No mamenghan wat magén angkay wada hen  
walu way aná hen labit. Ammayat agé no waday  
lema ono opat yanggay ah anána te danakkal te  
élégna hen sosowénda. Ammay no waday duwah labit  
ah manggisán way omaná te no dual hen aná hen éha  
ya aket hen aná hien éha, manpadongon hen  
tal-ononda.

No omaná hen labit ya malooh di henpoloy  
ag-agaw mabilin madiyahda. Pasosowéna hen anána  
ah énémay duminggu ya anat possoton dida ya ténéh

hen iggawda. Mabilin way malalammongda hen  
andiday anana inggana ah toloy bulanda. No toloy  
bulanda manhiyanen hen bae ya lae. Mabilin  
manlalammongon hen aminay bae ya manlalammongon  
hen aminay lae. No mag-ay mat-en hen a-anana,  
ammay no wada laway ihah duminggu ah man-  
inungalana ya anat kasen epahlong. No manholong  
andi lae, awni ta malooh di opat ono lemay  
ag-agaw ya anat age eyey di ihah bae.

No duway bulan hen ana hen labit wat  
elegnadih missa ngem ammay dillu a, hen andi  
dumakdakkal ta dual di lamanna.

No daay omana-ana hen labit ah duwa ono  
toloy tawen, mameppesda way omana hen andi bae ya  
ono an omaket hen anada wat unnina no issa dida  
ta palgan. Taen no adida mameppesg wat anda  
omanakettoy hen anada.

Pakay be-en hen lae hen eyey hen iggaw hen  
bae? O te no yadi, iggay epaenghan hen laedi wat  
anna angkay ammag mandinuwan way dan langalanga

ya adiyat manholong. Awni agé yag epawan hen bae  
hen baléyna wat mampatéya.


Pakay ammay hen bigbigat hen manholonganda?  
O te no madhé m andag da mangamangan wat no  
bigbigat ammay hen lénada wat napegsada. No hen  
ag-agaw, kaskasen no atong wat andag mangngangaya.

Hen ekaman way mamalte hen labit:

Balangna hen ekaman way mamalten labit. Mabilin  
way an ibilet ono an loh-opan. Ammay agé eman no  
an maloh-opan te dual agé hen mesalbiyan hen andi  
dotdotna. Ammaan ah kalse, hólóng, hambag ono  
annap.

No pédtén hen labit, ammag mantuwadén ya  
penagoh hen tangédna wat nalaka ah matéy. Etaéd  
hen he-ena ta mantotowad yag hiniwat hen uluna ta,  
lomayaw hen dalana te manlang-és ano no adi  
maka-an hen dalana. Gégedén di aket hen he-ena  
ta manginlugiyan ya ekaman ah tokak way manloh-op  
inggana ah magidgidah hen loh-opna. Ka-anén hen  
potona wat mabilin alan hen andi helatna ta

ablawén. Tégatégén ono iyam-amma way mamotel hen nanhopahopan hen, tongalna yag enablaw. No magganéh ammaydi ah epeleto, ya nō natang ammay ah tanaén ono an iyadubu. Andi ay loh-opna, ka-anén andi gitapna yag imbilag ta malango.



No laydényu way man-adubu, yato hen ekamanyu.

Mabilin ma-ammaanto hen heno way kalnen di animal:

1. Téगतégenyu andi kalne ah adi anakettoy way télén.
2. Igamagamah hen soka, soy, aket way laya, aket way ahin, garlek ya aket way danum. Ulay maid danumna no nataba hen andi kalne. No waday wayam, ammay no igamah danatto ah ihay ulas ya anat initén ta sasopona hen andi soka ya soy.
3. Initén ya tenangban ya no da lumuwag da ibib-ilin ta mapapdong hen mautowana. No malpasno way ibilinéa tenangban kasen.
4. No tég-angay ay mauto, talwan ah "catsup" no wada ngém no maid, yasa ud-ay. Yadi yag binonaw wat ammay ah issa.

## Baley hen Labit

Hen labit mo duway bulanda, mabalin mesenada an inada. Mabalin abé way hen bae ya lae wat manlalammongda. Mo inumdah hen ma-atlo way bulanda, masapol mantenê-én hen bae ya lae. Adida abé an mach-éhha ngém anda an mapahipahig. Aminay lae, éhay kowalto; kaman abén bae yadin ma-ammaan tay mo basta toloy bulan ilugidaay manhoholong wat adi koma mepalubus tay nagganahda pay laeng.


Mo énémay bulanda nalégnadi ah manpahlonganda. Masapol miyammaanda ah baleýda wenna mantenê-én hen kowaltoda. Nakalase hen kalawan hen kowalton bae ya lae. Hen bae naléгна hen henlelmay dangan hen kalawa ya ka-anduna wenna ulay nalawlawá mo laydén tapno adida man-in-ineppet mo ómanáda. Tay mo nalepet hen andi kowalto, man-in-ineppet, maid miggaan hen anénda, gatenan inada dida, ébbégana dida ya yadin lugin hen matéyanda.

Hen kowalton hen lae, nalégnahen hentotlon  
dangan hen kalawana ya ka-anduna.

Hen labit, adida laydén hen napodot wat mo  
ammaan hen baléyda, am-ammay hen gulun ah iyatép.


Mo sesem, masapol gétpan ah gulun ta waday  
manalig hen pétang hen sesem. Hen katánang hen  
kowalton hen labit manlugi hen dit-al inggana ah  
atép, nalégnahen opat dangan wenna ulay pay  
leman dangan tapno adida umdah way mangan wenna  
manyuboh hen atép. Hen dengdeng ya dit-al hen  
baléy labit, mabalin hen andi kaman nalaggay  
balot, lunu, kaew, bulu, wenna awayan. Mo usalén  
hen lunu, kaew, awayan ah mandit-al, ilanta hen  
katalakkana, nalégnahen lombotan hen attayda.  
Hen dengdeng, nalégnahen éhay polgada ah  
katat-alakkana ta adida lombot hen utot tay  
manbusoldan labit. Ammay mo umiggata ah tabla  
hen dit-al ta waday dada nasmasséyan. Hen  
katánang hen to-od, nalégnahen omawá wenna ulay  
pay ak-akayyang tapno adida umdah hen aho.

Mo ammaan hen baléy labit, adi da ammaan  
ah daol tay lonay di médag ah lugit kaman hen  
attay hen onga, isso, anda tapok wenna toppa.  
Tay hen labit, adida layden way ingaw hen  
nalugit. Laweng abé dallu hen daol tay dadan  
petapetag hen enong-a ya ya-abédi hen u-unggawan  
hen aho wat dada maégyaégyay hen labit ya  
manlugiyanadi ah bumakasanda ya nangissan hen  
ahon dida wenna lomayawanda. Tay hen labit  
ma-annégyay. Mo kaew, lunu, bulu, wenna awayan  
hen ammaan way baléy hen labit, masapol malané.  
Tay hen labit, man-gutabda, wat ammay hen malané  
tay adida layden wat adida gutaban. Ammay abé  
mo ammaan ay hen baléy labit, omammata abé ah  
ak-aketoy ah kowalto ta da manginpenpenenan  
hen anénda. Ilanta way nalégna ah dada  
menoksoketan hen anénda hen katalakkaná.



Yaton baléy labit way nepail-an hen hawang,  
alang, ya. é-ébbégan hen labit. Hen annay nan-apet  
ah paduwigi, yaha hen alang. Annay nan-apet  
ah padiwanan, yaha hen hawang. Nemanamang abé  
hen tabla way ini-inggaw hen huyu ah dugu way  
é-ébbégan labit.

Hen ka-ammayana hen wadan alangda, adi  
malugitan hen baléyda, adi malamlam hen migga way  
anénda tay andag yubuohon yanggay hen nalégnah  
anénda. Mo aditan amma ah kaman alangda, anmag  
malamlam hen anénda way da migmigga tay attayanda,



Baléy labitto way nakowalto. Anggay hen dit-alna  
ah wada. Maid dengdengna tay an yanggay an  
mepála hen alang andi gawana ya hen ébbéganda  
way tabla way ini-inggaw ah hūyun hen dugu.

ya issuwanda wat adida anén. Hen hawang abé hen baléy labit, nakalase. Pakay? Aw, a tay hen kowalton hen bae way pala an-aná masapol nalawa, hen hawangna. Ilanta nalégnah hénggépan hen kaskasonay nalégna ah malekotan ya ompoan hen hin-ininnay labit. Hen hawang andiday bae way baén pala an-aná ya lae, nalégna mo dakdakkal mo hen hawang hen aggabta-aw. Yaha hen amman hen baléy labit.

## Mampoottakos Labit

Da labit usada animalay mambalù mapoot, miyan-anongdat da uwil. Aminay nakwa anda dotdotda, iposda anda long-agda ang-is-iso kon kamà kadanakkolda say bugtong ay kosa. Anandu ingada ya ankatakwad. Allaso amuda ya didapon anongda udumay animal ay malingtanka amoot an dida, ya akettoy pay dallo say ambalinanda. Da labit, mallin-awa pootda ya ansalom mambalinanda. Atda udumay ali, adduwanda ampoot gapos da lasonanna indasanda:

1. Say laman labit, siya say ka-aduwan say atdunay ekasdol say long-ag atda aminay laman. Kamatda lamanda baka, bolok, ugsa, luwang anda udumay kalni. At ulay singkod-ip say kenanay labit, mekamasay atdunay kosdol no say sinduyug ay laman udum ay animal. Da long-agtako, masapolda say laman ay malpowan say kasdol.

2. Say kanan Mr. Case, usay misonali ad

Solano ya nabayag ay nampoot as labit, da labit, mandakolda ya mansalom iyanakda, anongda da bolok ay magon ta umanakdas lima onno walu assay sinkomanak. No lomabus as walu, gongatonda otek tay dipon makatagu say inadañ dida. Ambab-alu no aketda ta siguladu day dumakol. Mangimpat umanak say bai yay labit ay makatawon at ulay ka-antay sin-o-onom say anakna, omoy as 24 say anakna ay makatawon. No kaspangaligan kam-anada umanakay labitnos say makatawon, siguladu way dimpon masida amin dida. Atta adi maligatanay mamakan ingina dida ta isokapay as iyuswilan da anakno anda atdum as udumay masapol say kabuluyno. Siyana say palawa masapol ay mampoottakos labit ta agayaka pay as mangal-an as ekatagu.

At uguduntako no annontan diday mamoot.

Da ayam sana didapon gomanak no mantitipon say bai an laké. Masapol ay antoknon say kowalteda. Say kowalton say bai, kagodwan say dopa say binallabadna anda pallintoodna. Ulay naban-ogan

say kowalton say lake tay dipon dallo omanak.  
Ilan say dot-alda ta mantalakkas aket ta lombotan  
attayda, kon adi ekaw antalakka ta malbut sokeda  
ya kenotban da baso anda kosa dida. Kamangon say  
kataknanang say otopda ta adida maalagwad tay  
kanonda kalkalo no gulun. Ambaluwan say otopna  
ta adida mainitan anda maudanan, te mangal-andas  
saketda ya natoyda.

Mipanggop ay assay kanonda, galabunda say  
ka aduwanay lugam anongda da luwang basta malnos.  
kamatda kolay, balangag, dagami, ipil-ipil anda  
uduma pay dallo. Da ipakantakoway lugam onno  
tubu no na aladas say aggissaway lugal kamat da  
attayan da aso onno bolok, ambalo no pilangonyan  
ta matoyda bigisna anda makaan say buotna no awad  
at ya asi at atdun. No nadalus say mangal-an  
dipon masapolay ipilangyan. Ta andakol anda  
antaba da labittako adi pasigun lugam say ipakan  
an dida. Atdan didas da muting, appok, bugas,  
bakaw, "pellet" ya "chicken mash." Danauy,

nabaknangday pitamin. Aditako maliwatanay mangiggas say nadalosay danum ay kowaltoda ta awad inumunda. Da labit, masapolda bus say danumay anongtako. No malingtantako anda mauwawtako uminumtako, maastako ay bus mangan, masapol say danum. Kaana bus sina da labit. Say uminumanda ambab-alu no andagsun kamatda natamayay duyug ta adi allaso misiyat no dugsuwanday uminum onno lagtowanda. Kanana bus sina say mangananda. No lata ipaltos say kayu ta dumagson ya adi antalekyag ya nisiyat say kanonda. Ta adi maayongay mangindawdadaw atda kanonda mabalinay angwas patyay ay kowaltoda, ta da angiggaan atda kanonda. No maolatda basta mangaladas kanonda.

Masapolay pootontako da labittako tay ulay dug-anay amakan andida no adida mapoot, ippon salbina tay masaketda ya natoyda. Didapon tottowa gama mapisti, tay napigsa dalada, didapon anongda manokay kanayonay mapisti. Kon dalekadu no adida mapoot. Kanayonay linisan say buluyda, uminumanda,

kanonda anda attayda. Igga didas say nadalosay  
lugal dokompon atda ansongsong anda bangbang.

No onomay bulan say labit, ologna mampaslong.  
Alan say bai ay kowaltona ta iyaggom ay lake.  
Say bai say inta iyaggom, tay no lake say igga ay  
bai adi ponna koon say piun ay koon tay maekawa  
say balu way kowalto sadi anda patoyon say bai  
siya. Bantayan say ambulaanda ta no naas nametlo,  
ipauli say bai ay iggawna. Lawingan no bayagun  
say ambulaanda tay ditapon maagammowan say  
ag-agaway omanakana. Simbulan mabugiyana at no  
annay opatay ag-agaw daan ya asi at tapos ay  
omanakana, igga say kasonay omankana. Ilan ta  
adi ban-ug say kasonay igga ta adi an-ip-ipit da  
anakna. No omayaw say onomay duminggus  
nampasosowana, isina say anakna ta kasin bus  
ampaslong. Awad ay tolo onno opat ay ag-agaway  
nisinaan da anakna asiat iggas say lake ta kasin  
ampabula ta omanak abus.

No toloy bulanna say labit mabalinay masida.  
Mallaman ya balan-ug tong-alna. Siya say anong  
say balug ay ippon miballos tong-alna tay miduga  
mekotkot. Amod pay mallamnaw say laman labit,  
dug-am gay man-amikos ya asi ka mataag no  
mabanokbok say sintolonney magsat ay busugno.

At ta simsimantako say sabali-piyana,  
isaladtako mampoot as labit usa pay maastako  
inugud say dokolay itolpngnan ditako.

## Ang Mga Koneho

Ang aklat na ito ay isinulat sa iba-ibang salita sa bayan ng Natunin upang himukin ang mga mamayan sa bayang ito na mag-alaga ng koneho para sa kabuhatan at dagdag ng pagkain.

Ipinaliliwanag ng aklat na ito kung papaano gumawa ng bahay ng koneho, kung papaano ang pagpaparami sa kanila at kung papaano ang pag-aalaga sa kanila. Ipinaliliwanag din kung papaano ang pagkatay at pagluto sa koneho.

Idinidiin din ang kahalagaan ng pagpapangunlad sa kabuhatan at dagdag na pagkain sa pamamagitan ng pag-aalaga ng koneho.